



Gabinete Wever - Croes II



ISLAONLINE

Noticia di Gobierno

2023

Diahuebs 6 April 2023

Email: IslaOnline@gobierno.aw Tel: 528-4952

2023
AÑA DI



UNION
Y POSITIVISMO!



@IslaOnline2023



Evelyn Wever-Croes
PRIME MINISTER

PROME MINISTER A REUNI CU ARUBAHUIS PA TRATA ENTRE OTRO E PROCESONAN DI REORGANISACION CU TA ANDANDO

Otro tema cu a trata ta e situacion di vivienda pa studiantenan



Arubahuis ta un departamento di Gobierno cu ta resorta bou di e Ministerio di Prome Minister Evelyn Wever - Croes. Pa e motibo aki, tur biaha cu Prome Minister ta na Hulanda ta haci e maximo esfuerso pa bishita Arubahuis, intercambia idea, y pa scucha for di esnan cu ta traha eynan, con tur cos ta bayendo.

Un tema cu a trata ta e trabounan andando na Arubahuis cu e proceso di restructuracion y reorganizacion. E tema aki ta encera hopi deliberacion, pa cual tabatin un reunion hopi intensivo, pero tur cos ta bayendo den bon direccion.

Prome Minister Wever - Croes a splica cu a tuma nota cu na Arubahuis nan ta trahando duro pa e departamento por briya y pa Aruba por briya. 'Arubahuis a pasa den un periodo dificil di investigacion, pero aworaki ta mira cu tur e energia y esfuerso ta dirigi den mehora imagen di Arubahuis y prepara Arubahuis pa por yuda den diferente reto.'

Un reto cu tin e aña aki atrobe ta e situacion di vivienda na Hulanda. Hulandesnan na Hulanda mes no ta hayando vivienda facil, pues como estudiante di Aruba si bo no ta inscribi pa hopi tempo e ta dificil pa haya vivienda. A pesar cu Arubahuis no ta



esun responsabel pa busca vivienda, nan lo tin un papel si pa wak unda nan por yuda den esaki. Prome Minister a expresa cu a yega na cierto palabracion cu Arubahuis pa e diferente retonan cu tin, entre otro cu lo sigui delibera cu Minister di Enseñansa.

Finalisando, Prome Minister a bisa cu e tabata un bon reunion cu un grupo di personal di Arubahuis hopi motiva.

MENSAHE DI PROME MINISTER PA PASCO DI RESURECCION

Nos ta drentando fin di e Siman Santo. Na Aruba, mayoria ciudadano e dianan aki ta tuma tempo pa pasa cu nan famia sea pa biaha, campa of keda cas y disfruta di union familiar. Esaki pa hopi ciudadano tambe ta wordo considera un temporada solemne y importante pa renoba nan fe y reflexiona riba Hesus. Prome Minister Evelyn Wever-Croes desde Hulanda, ta desea pueblo di Aruba un temporada bunita y sigur.

“Mi ta spera cu henter Aruba por tin un fin di siman di debocion. Nos ta un comunidad cu un fe grandi y den e dianan aki ta bon pa nos para keto y reflecciona riba e bida y morto di Hesus. Su sacrifician cu el a haci pa amor pa otronan.

Ohala cu esey por inspira nos tambe den e lucha cu nos cada un ta hiba cada dia. Nos mes, nos famia, nos pais, pasobra e fe lo yuda cada un di nos pa logra tur nos metanan. Ohala e fin di siman aki ta yena cu debocion, y mi ta spera cu esnan cu tin e tradicion di bay campa, tene cuenta cu mester cuida nos beachnan. Aruba a caba di wotdo renombra pa tin e playanan



mas bunita di Caribe y di mundo. Esaki nos a logra hunto y ta hunto nos tin cu mantene nan asina tambe. Un feliz siman y Pasco di Resureccion.

A REUNI CU EMBAHADOR DI SURINAM PA SONDEA POSIBILIDAD PA ESTRECHA LASONAN ECONOMICO Y COMERCIAL

Prome Minister Evelyn Wever - Croes a reuni cu Embahador di Surinam Rajendre Khargi y Minister Plenipotenciario di Aruba sr. Ady Thijsen. Durante di e reunion a papia con Aruba y Surinam por traha mas miho hunto, y e posibilidad pa yega na acuerdo cu otro riba tereno economico.

Prome Minister Evelyn Wever - Croes a expresa di ta contento di mira cu e relacion fraternal entre e dos paisnan ta na un bon nivel y cu aworaki ta papiando riba con por estrecha e lasonan mas, pa purba tin lasonan economico y comercial entre Surinam y Aruba.

“Surinam ta pasando den su retonan, pero nan tin potencial economico grandi. Si na Aruba por yega na un of otro tipo di relacion economico comercial cu nan, e por yuda nos aki na Aruba tambe. Mi ta contento di mira tambe cu na Hulanda, Arubahuis y Minister Plenipotenciario Ady Thijsen ta ponieniendo Aruba riba e mapa internacional y ta cerando aliananan cu embahadornan y paisnan”, Prome Minister a expresa.

Minister Plenipotenciario Ady Thijsen

Segun Minister Plenipotenciario Ady Thijsen, algo cu a resalta den e reunion ta cu tin hopi punto y tema den comun cu otro, entre otro historia y idioma Hulandes. Ademá, locual cu Aruba a pasa aden den temporada di Covid, nan tambe a pasa aden.



“Especialmente cu awo cu Aruba mester bay diversifica su economia, mi ta kere cu lo ta hopi bon pa yega na algo cu Surinam cu ta un pais cu tambe kier crece. Pues, ta kere cu conhuntamente por haci esaki posibel.” Minister Thijsen a agrega bisando cu na varios ocasion cu papia cu sr. Khargi, ta ripara cu ta yega mas y mas na otro.

Finalmente Prome Minister Wever - Croes a expresa cu e tabata un bon reunion y a palabra cu ta bay sigui den contacto pa logra mas laso comercial y economico.



MINISTER MADURO Y MINISTER PRESIDENT WEVER-CROES TA NA HULANDA PA HAYA E CLARIDAD RIBA E FINANCIAMIENTO DI E DEBE CU ARUBA A ACUMULA PA SURPASA E PANDEMIA

E siman aki Minister di Finansa Xiomara Maduro ta hunto cu Minister President Evelyn Wever-Croes na Hulanda pa cuminsa trata e refinanciamiento di e debe cu Aruba a acumula cu Hulanda pa asina nos pais por a surpasa e pandemia di Covid. E pandemia tabata tin un efecto devastador riba e economia di Aruba y tambe e finansa di nos pais.

Hulanda a presta Aruba, Corsou y Sint Maarten e fondonan necesario pa surpasa e pandemia, y awo a yega e momento pa paga e debe aki bek. Pa Aruba ta importante pa por haya e claridad necesario di Hulanda bou ki condicion e pago di e debenan aki mester tuma luga. Aruba ta e unico pais den Reino cu ta fia placa ariba mercado internacional y nos mester por brinda nos inversionistanan e claridad pa nan por mantene nan confiansa den e estabilidad financiero cu Aruba ta brinda nan inversion.

Pa e motibo aki Minister di Finansa Maduro ta spera cu Aruba y Hulanda por hiba bon reunionnan den cual e claridad lo por bini pronto pa Aruba.





EXITOSO EAGLE IN COLOR KIDS & YOUTH RUN & WALK ORGANISA PA DI 3 AÑA CONSECUTIVO PROME EDICION DI 5 KM PA ADULTO



Diasabra ultimo, tabatin e di tres evento di Eagle in Color Run & Walk. Alrededor di 500 persona a participa, tanto mucha como adulto cu a inscribi pa participa den e evento di coremento y canamento y a acudi trempan na e evento di Eagle in Color Run & Walk na e stadion Nadi/Crismo Angela na Santa Cruz, pa sali core den e barionan di Sabana Grandi, Rooi Bosal y bisindario.

Minister di Deporte Endy Croes tambe tabata presente pa

contribui na e gran evento deportivo aki. E mandatario di Deporte a hiba palabra, deseando tur coredo hopi exito pa yega final y a felicita e organisadonan di Eagle in Color Run & Walk pa organisa un excelente actividad deportivo. Den un ambiente energetico, Minister Endy Croes a duna inicio na e careda. Na final di e careda tabatin entregamento di premio na e ganado- y participantenan. Minister Endy Croes ta aplaudi Eagle 297 Runners y Patrishi Sports Aruba pa e tremendo evento deportivo.

Union ta importante pa cualkier sociedad pasobra e ta e base di forsa, poder, guia, curashi y desaroyo. Union ta provee un fuente constante di motivacion positivo y e ta e vinculo pa logronan grandi. Esey ta loke Aruba a demostra, den union y cu positivismo a logra recuperacion despues di varios crisis tras di otro.



2023

AÑA DI UNION Y POSITIVISMO! _____